


Құрметті Бейбітжұл Сәрсемханқызы!

Сізді және сіз басқарып отырған Қорқыт Ата атындағы Қызылорда университетінің ұжымын оқу ордасының құрылғанына 85 жыл толған мерейтойымен шын жүректен құттықтаймыз!

Қорқыт Ата атындағы Қызылорда университеті осы уақыт ішінде республикамыздағы заман талабына сай дамып, бүгінде студенттерге дәйекті білім беріп, тәрбиелеп, сара жолға салған, өзіндік брэнді қалыптасқан білім мен ғылымның қара шаңырағына айналды. Университет құрылған күннен бастап, мыңдаған жоғары білікті мамандарды даярлап, ғылым мен білім беру саласына орасан зор үлес қосты десек артық айтпаймыз. Сонымен қатар ғылым және білім беру кеңістігінде өзіндік орын алып, оқу үдерісін де жаңа технологияларға сай ұйымдастырып отыр. Әрбір жоғары оқу орны қызметінің басты көрсеткіші – даярлаған кәсіби кадрлары. Қай жұмыста болмасын өз ісінің шебері атанып, өз университетінің дәрежесін көтеріп жүрген түлектеріңіз Қазақстанның әлеуметтік-саяси өміріне және экономикасына зор үлес қосып келеді. Олардың жоғары біліктілік, жауапкершілік, білімдарлық көрсетіп, ерекшеленетіндерін үлкен мақтанышпен атап өтуіміз керек.

Бүгінгі мерейтойдың салтанатты сәтінде Сізге және университет ұжымына үлкен шығармашылық өрлеу, еңбектеріңізге табыс, зор денсаулық, отбасыларыңызға бақ-береке тілейміз. Жаңа Қазақстанның бәсекеге қабілетті жас ұрпақтарын дайындауда ізденістерге толы ізгі еңбектеріңіз әрқашан абырой биігінен көрініп, игі мұраттарға жете беріңіздер!



М. Бегентаев